

审视瑶函

R276.7
3-4

審

視

原

本

秣陵傅仁宇先生纂輯
廣陵林長生先生較補

同人堂藏板

眼科大全

一選前賢治驗醫案

一詳註脉訣看眼活法

一按運氣致病一書零八症

一編識病辨症總賦

一較原機啟微症治論

一採龍水銀海諸集合宜論

一定五輪八廓圖論

一究金針宜撥內障症

一慎鈎割針烙用藥宜忌論

一升煉開瞽靈藥方

一備針灸內外眼要穴

一秘製點洗敷吹治驗諸方

審視瑤函序

成周建官三百六十而燮理奏功分寄
醫師尹副以逮上士下士職掌翌爲明

聽之司若是乎耳目股肱之未敢輕畀
也故其時分猷者或肘掄鐵鏡以建勛
考成者或胸貯金匱而宣化至玉鉉鼎
鼐之權惟醫師與良相並峙猗歟休哉

補天煉石浴日調元洵各有天授焉匪
其人不得而遇也仁宇傳君以慈祥臆
擅龍木譽名聞諸侯惠濟蒼赤擴億丈
大光明藏現大醫王身而爲說法一七
神樓已足格紫霄而驟烏龍已然且秉
赭鞭救匍匐啟霾霧而耀明且刀圭之
積功靡以加已式於家則見齋心敦善

茹蔬戒修疑疑龐居士也式於閭則見
瞿曇植果香芬稱檀油油許玄度也式
於都則見儉惠良稷寒施纖纊藹藹傳
大士也而矧婆心塵熱佛手療人令昏
聩顛危者仰撫摩而躋春臺也余曷能
更僕哉歲已巳余病目謫歸借憇秣陵
遍訪長桑而不得其人也閱彌月獲覲

傅君授余上池而霍然蘇豁然瞭也因
喟然嘉歎久之豈葛仙搗藥烏猶作丁
丁杵舂聲將醉卧紫金牀頭拉伯陽叅
同漱煉一洗羊豕狗鼠廓輪漉漉爲芻
鬼夜魔踢開許大寶月輪金光藏醅醕
甘露洒須彌峯頂自在王座者抑傅君
之謂歟而君尚逡逡謝勿敏也老氏云

予惟不矜故能與天下同功顏氏子云
無伐善無施勞君其功圓果滿拔宅冲
舉當不在馬自然徐秋夫下而且弓冶
繩武作述一家嗣君維藩館甥文凱隸
職院僚析髓洞筋咸頤雷接武彬彬王
謝門風雅稱烏衣子弟哉二君仰體家
鉢彙笥中審視瑤函日批月錄將命劄

闕氏而壽諸梨棗焉乞予一言以公爲
鴻寶余見二君青出於藍式穀其似行
且列鵷鷺班奉仁宇之家珍以佐保御
而育羣黎異日謨明弼亮分寄耳目股
肱燮揆陰陽不惟爲

朝家慶得人而俾翌爲明聽者咸資啟沃
而垂霖樹焉余當誦周官而上考成也

傅君以爲然用弁之簡端

肯


崇禎甲申嘉平穀旦

賜進士第通議大夫資治尹吏部左侍郎
兼翰林院侍讀學士

纂修會典同知

經筵日講官

通家侍生陳鼎頓首拜



文上

翰吾以淵然其文簡微而士考成也

審視瑤函弁言

素難而後有顓科猶六經而後有子史
也其旨玄令人罔象而蒐珠其理微令
人碧落而占氣其奧沉令人望洋而觀
瀾以故鼎之貴者恒斑駁以徵奇業之
端者須鞭草以灼膜操一技工一術必
期扁之斲輪庖之批窾致精造極而稱

絕藝謂必求之桐君秦越之壇庶幾幸
遇其人而不意仁宇傳君一快觀之君
舌則蓮品則僊道濟博施則睂山子瞻
不佞承乏院署初物色於鳳臺鷺渚把
臂謦譚而使我喜不能寐也喟朕歎曰
世有碩德長者傳君若而人與之駟
承明出其補天鴻勳浴日月而蕩乾坤

復何事之難濟為君槃阿樂泌一衲一
瓢脩狀自足將營菟裘而壺隱焉餌施
昏瞶而不尸功澤漉問黨而不任德心
齋被庭幃而守之若維摩檀施浹耆闍
而奉之若鳩摩藹藹乎與物同春利之
而不庸脊脊乎與時分憂習勤而勿縈
且燕貽承芳道光繼志上自克家次迄

義方箕裘式穀聿啟象賢若萬石君家
不言而躬行君備有焉語云不知其系
視其教長公維藩同事僚契坦甥文凱
美秀而文矧淑慎爾止接踵聯璧若鸞
鷟之軼雞羣行將展六翮而搏南溟天
祚明德有開必先其佑積慶而錫之令
終者詎鮮歟哉歲甲甲君家枕中之秘

審視瑤函就帙而丐正不佞余矢隻語
以勸之曰珍之獨曷若寶之衆私而家
曷若公而國君請梓諸仁宇遂踴躍摩
頂拈花褻香向大士如來壇前一發弘
誓出審視瑤函廣鋟薛濤牋端永為三
千大千琉璃震旦普渡一切千手千眼
不住聲色香味觸法施之是舉也不佞

何敢夷瑶函為一門筏渡直尊為海岸
慈航可矣是為序 昔

崇禎甲申菊月穀旦

中議大夫資治尹加光祿寺少卿仍掌太

醫院院使事通家友弟陸梯頓首拜撰



凡例



目受五臟六腑之精華若日月麗天而不可掩
右陰左陽涵光毓采吐桑浴淵胸暄迭行坎離
失度羶脊錯經燮理不齊民病爲殃人開卷了
然至於五臟主病五行附麗五音分導五方風
氣浸淫爲厲各有專司安事拼贅是函授自烈
祖奕葉鑽研經歷三十餘載復訪名公宗匠講
究印可廣購藏書禁方爰繁輯簡間有立論堪
採而主方雷同有單方擅譽而症候不明者添